

## Pol nainge tup nal me Filemon

<sup>1-2</sup> Nam Pol, nam marp moto mwahupwai e me nan tikin Jisas Krai. Nam topo e to poi Timoti, poi hindi member tup e e malme nin. Wusyep e e nal me nin Filemon, wah ilyeh topo e nime poi. Topo e nal lenge mitinj naiye noihmbwaip tejeime Jisas naiye jahilyeh yarp yokoh nin, topo e miyen poi Apia, topo e wah ilyeh poi Arkipus naiye ta e miye wondoh naiye ya lalme murmbe mamba e lenge mitinj menge mutme Jisas Krai.

<sup>3</sup> Poi manange wusyep malme me Yai Got hindi Lahmborenge poi Jisas Krai naiye ka noihginirme yip, topo e yul yip noihmbwaip numwaiye.

### *Pol hriphrip me noihmbwaip bwore tikin Filemon*

<sup>4</sup> Nye nyermbe nupe naiye nam misilihme Got me nin pe, nam hriphrip me Got.

<sup>5</sup> Detale, nam si masande nange noihmbwaip nin tejeime Lahmborenge Jisas bongol sekete, topo e nin nende nihararme lenge miye tuweinge tikin Got.

<sup>6</sup> Nam manange misilihme Got naiye ka ende bongolme bilip uku naiye sai me nin topo e poi no, na sisyeme bworerme nai e nai e bwore bwore naiye poi mamba e matme Jisas Krai.

<sup>7</sup> To nam, nin si nende noihmbwaip lenge miye tuweinge tikin Got hriphrip supule. Noihmbwaip

nin ηaiye ηende nihararme tinge pwale hriphrip ηembere sekete, topo e plihe ηende bongol me ηam.

*Pol ηisilihme Filemon nange ka ende mi me Onesimus*

<sup>8</sup> Ki ta e ηaiye poi berei wim ilyeh tikin Kraiss pe, tatame ηaiye ma mini nin wusyep bongol ηaiye na ende ηainde.

<sup>9</sup> ηam Pol, tukwini ηam miye borenge pe, ηam marp ma moto mwahupwai e me nan tikin Jisas. ηam masande nin nom, ηai tikin ηam misilih nin.

<sup>10</sup> Ta e luku pe, ηam misilih nin ηaiye na ungwisme talah ηam Onesimus. Detale, ηupe ηaiye ηam marp mwahupwai e me nan tikin Jisas Kraiss pe, ηam ta e yai kin, detale, kin si tahar Kristen.

<sup>11</sup> Somohonme yukur ki ηende ηainde bwore ηaiye ka ungwisme nin, pakai. Kom tukwini kin si ηende wah bwore ηaiye ka ungwisme nin topo e ηam.

<sup>12</sup> Tukwini ηam plihe member kin mala mil me nin pe, ηoihmbwaip ηam iki kin nenge nal no.

<sup>13</sup> ηam da mupwai e kin ηaiye ya hindi murp e e no, ka amba e luh nin ηaiye ka ungwisme ηam ηupe ηaiye ηam marp mwahupwai e me wusyep bwore tikin Got.

<sup>14</sup> Kom ηam gwarngē ηaiye ma mututus nin nange na ungwisme ηam. Kut ηam masande nange na ende tu e ηaiye ηasande nin. Ta e luku pe, yukur ma mende ηainde tutume ηaiye na tapam ilyeh topo e ηam.

<sup>15</sup> Mise, Onesimus kin garngē nin nal sikirp gwaingwaiye, kom tukwini kin si nat pe, plihe

amba e kin enge ot ηaiye pa hindi yurp ilyeh nye nyermbe.

<sup>16</sup> Tukwini kin yukur miye wah pakaiye, pakai. Kin si tahar Kristen pe, ηam mende nihararme kin ta e ηaiye to ηam ende. Kom tukwini ηam sisyeme ηaiye na ende nihararme kin tu e miye wah pakaiye, topo e plihe nato Krai pe, kin ta e ηaiye to nin bwore mise kili.

<sup>17</sup> Ta e luku pe, ηaiye na ηoiheryembe ηam tu e ηimeini pe, na plihe ende nihararme kin ηahilyeh tu e ηaiye nin ηende nihararme ηam ηupe ηaiye ka otme nin.

<sup>18</sup> O ηaiye Onesimus ka ende ηainde pupwa me nin, lakai wuyah nin ende ka si me kin pe, plihe bunjenge ember nan ηam Pol el guh wuyah kin uku.

<sup>19</sup> ηam Pol, syep ηam e e ηam mainge wusyep malme nin. Yukur ma mininge pakai me wuyah nin ηaiye sai me ηam, se ma mungwisme. Topo e ηam tatame ηaiye ma mininge na, wuyah ηam sai me nin ηaiye na ungwisme. Wuyah nin teηeime ηam pe, wuyah uku ki laip nin. Detale, ηam mungwis me nin ηaiye nin tahar Kristen.

<sup>20</sup> Ta e luku pe, to ηam, nato nan tikin Lahmborenge pe, ηam masande ηaiye na ende ηoihmbwaip bwore otme ηam. Detale, poi berei hoime miye tikin Krai.

<sup>21</sup> ηupe ηaiye ηam mainge wusyep e e pe, ηam si sisyeme nange se na ende gunde wusyep mune ηaiye ηam mana nin. Topo e ηaimune ηaiye na ende me Onesimus pe, se na ende usungurhme wusyep ηaiye ηam mana nin.

<sup>22</sup> Topo e ende mi mi me dou ende nato yokoh  
ņaiye ka si me ņam ņaiye ma muta mamba e posoh.  
ņam sisyeme nange Got se ka usyunde yisilih yip  
pe, se ka ember ņam ņaiye ma muta meteke yip.

<sup>23</sup> Epafra, miye ņaiye poi hindi hoime marp  
mwahupwai e me naņ tikin Jisas Krais, nember  
nin wusyep hriphrip kin,

<sup>24</sup> topo me lenge miye wah ilyeh ņam Mak pe,  
Aristarkus pe, Demas topo e Luk.

<sup>25</sup> ņam de ma misilihme Got ņaiye ņoihmbwaip  
ņumwaiye tikin Lahmborenge Jisas Krais ka si  
topo me yip lalme.

**Wusyep Bwore tikin Got**  
**The New Testament in the Urat language of Papua New**  
**Guinea**

**Nupela Testamen long tok ples Urat long Niugini**

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

---

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26